



中國大事記



民國六年二月七日

●蘇省與洋藥公所訂購購存土約……我國於前清宣統三年時。與英國訂立禁烟條約。以本年陽曆三月末日為實行禁絕之期。前年政府派蔡乃煌充江蘇江西廣東禁烟特派員。與上海香港洋藥商行。訂立蘇贛粵三省准銷洋藥合同。於禁絕期限內。在三省銷售印花土六千箱。每箱由商行認繳報銷銀三千五百元。近日該商行以限期將屆。預計存土六千箱。難以售罄。要求展限。經政府嚴拒。旋由江蘇督軍馮國璋。電商政府。擬用公債票將該項存土收買。作為藥品發售。經國務院議決允許。本日由馮國璋以江蘇長官名義。與洋藥公所訂立合同。其合同內容要點。據副總統府秘書廳發表如下。

(甲)收受存土約數 合同簽字當時。存土尚有二千一百箱。售至三月底止。以所餘之數為收受之數。約一千一二百箱。

(乙)價格 每箱八千二百兩。(初議九千五百兩、後減為此數、又議定以債票額面為準、)

(丙)債票 以民國元年舊債券為收買之費。約計一千萬元。十年攤

還。(丁)售藥 存土收受悉為製藥之用。十年分售。即以售藥之價收回債票。嗣為國會所聞。當向政府提出質問。並議要求廢約。

同 十五日

●蒙匪進犯洮南……蒙匪攻陷呼倫貝爾後。竄擾內蒙各旗。迭經奉吉黑三省軍隊擊敗。近日又進犯奉天洮南縣。復為奉軍擊退。斃匪百餘名。

同 十七日

●公布雲南第一覆選區改選眾議院議員日期令……令見法令門。

●公布哲里木盟補選參議院議員日期令……令見法令門。

●湖北武昌火災……武昌城望山門外民家。於本日晚間失火。焚燬六百八十餘家。斃人三名。

●滇省報告匪黨肅清……滇西前有匪徒自稱天主皇帝。占據喇井場。攻陷蘭坪縣。本日滇省督軍電告。經派兵攻剿後。業將蘭坪喇井克復。劍川維西兩縣匪徒。亦經擊退。

同 十八日

33426

●解釋限制平政院受理訴訟範圍訓令……前月十日。國務院呈請各官署呈奉令准之案。平政院可毋庸受理。經大總統訓令平政院照辦。平政院因有疑義。呈請解釋。本日奉指令。一月十日訓令。係指現行法令無可依據。經行政各官署呈請核定之件而言。其有法令可據。應由各該行政官署自爲處分者。如有違法致損害人民權利。自應依據行政訴訟法所定程序辦理。

●司法部呈准廢止偽造儲蓄票治罪辦法及發掘墳墓加重罪刑條議……新華銀行發行儲蓄票。前經財政部呈准比照偽造貨幣律治罪。司法部以其牴觸法律。應依偽造證券律處斷。又前山西巡按使呈請將發掘墳墓罪加重處刑。曾批經司法部核議暫時通行。現亦因以命令與定律出入。究非正辦。呈請均予廢止。本日奉指令照准。

●山東濰縣民軍解散……山東新編濰縣民軍第二團。到省點驗後。由省發往小站駐紮。團長王冠臣不服命令。並謀暴動。經督軍派兵兜圍。勒令解除武裝。並將團長王冠臣及第二三營營長拘押。旋即槍斃。本日。遂將第二團全團解散。

●廣東南雄兵變……駐粵滇軍第三師第三十一團第二營軍隊。本日本在南海縣城內譁變。搶劫商店數十家。傷斃警兵商民十餘名。並入電局搶掠。經第三師師長南詔連鎮守使張開儒派軍鎮壓。當將爲首者捕獲槍斃。

同 十九日

●國務院開外交委員會……政府因近日對德外交緊急。特在國務院設外交委員會。除國務員全體及各部所派中立辦事處辦事員均列席外。並邀梁啟超陸徵祥夏詒霆曹汝霖汪大燮諸人。到會與議。

●滿洲發見黑風會……宗社黨人在北滿一帶組織機關。名黑風會。圖謀不軌。經官廳嚴令查禁。

同 二十日

●國會拒絕逮捕憲法會議鬪毆傷人議員……兩院憲法會議議員。前因議事衝突互毆致傷。經被傷者向京師地方檢察廳起訴。被告屢傳未到。由檢察廳呈司法部咨國務院轉咨參眾兩院。請予許可逮捕。當經兩院會議公決。不予許可。

●陝西省長李根源到任……李根源自受任命爲陝西省長後。久滯都中。至本始抵任。

同 二十二日

●國務總理呈准開復已故前護甘肅都督兼民政長張炳華褫職處分……張炳華於民國三年。護理甘肅都督兼民政長。後因幕僚賣缺案。經文官高等懲戒委員會議決。呈請褫職。現於本年一月七日在京病故。經前甘肅都督公府顧問趙惟熙呈請優卹。當由銓敘局呈國務院請將該故員褫職處分開復。經國務總理轉呈大總統照准。

●內務部呈准合併廣西向武都康上映三土州改設向都縣……廣

西所屬安定等十九土司。經該省長官呈准改設都安隆山果德綏
淥龍茗鎮結思樂等七縣。其田南道屬天保縣承審之向武土州。

奉議縣承審之都康上映兩土州。前由紳民向該省長官呈請合併
設立縣治。經省先後派員勘明。妥爲規畫。並將向武土州署修
改作爲縣署。現將就緒。因由省長呈請准予改設一縣。名曰武
都縣。經國務院交內務部核辦。茲由內務部呈請照准。並定爲
三等缺。仍隸田南道管轄。惟所擬武都名稱。因與甘肅渭川道
屬之武都縣相同。卽改爲向都。以免重複。本日奉指令照准。

●內務部呈准創辦警官高等學校……內務部前爲統一警察教育
根本改良起見。曾於民國元年通令各省。於京師專設警校。停
止各省巡警學堂。旋於前年呈准設地方警察傳習所。專以造就
現職警官爲主。現在已屆畢業。茲復爲培養警察全材計。擬開
辦警官高等學校。按照規定資格。就京招考三分之一。其餘分
行各省區。依格考選。分別入校肄業。特擬具章程。呈請大總
統鑒核。本日奉指令照准。

●皖鄂等省地震……安徽湖北等省。本日又有地震。房屋有傾
塌者。並傳皖省霍山縣已發現火山。經農商部訂定調查表式。
咨行各省調查。

同 二十三日

33427 ●副總統馮國璋入京……馮副總統因商議國務。前日由寧起程。
於本日抵京。旋於三月十一日出京回寧。

●福建省長胡瑞霖抵任……胡瑞霖自被任爲福建省長後。久未
履任。本日始由京抵省。

同 二十四日

●內務部呈准申明知事迴避本籍定章……縣知事分發省分。依
知事任用條例。有不得在原籍民政長官所轄區域以內之限制。
近來各省。仍多參用籍隸本省人員。內務部爲統一行政杜防流
弊起見。特呈請申明知事迴避本籍定章。通行各省區。本日奉
指令照准。

●農商部公布工商同業會規則……規則見法令門。

同 二十五日

●四川建昌道黑夷肆擾……四川建昌道屬寧遠會理一帶黑夷。
近因其土司都龍光。被責縊死。從都婦李四少娘。在建南等處
肆擾。

同 二十六日

●英國在魯招工……英國近在山東省濟南周村坊子青島等處。
招募華工赴歐工作。已招集九千人。由青島運往威海衛。卽乘
英船赴歐。

同 二十七日

●特任熊希齡爲平政院院長……原任院長周樹模因病呈准免職。
●特派汪大燮前往日本呈遞大勳章……大總統曾於去年十二月
間。特派熊希齡赴日呈遞大勳章。旋因事阻滯。未克成行。現

33428 熊希齡被任為平政院院長。復改派汪大燮前往。當於三月十一日起程。

●日本在內蒙設立領事館……日本添派駐內蒙古赤峯領事。於本日開館。

同 二十八日

●交通部呈准國有鐵路乘車免價條例……交通部前為填補虧累起見。曾於去年十二月間呈准取銷各路免票。現復訂定國有鐵路乘車免價條例。呈奉大總統照准。(條例見法令門)

●四川打箭爐火災……爐城於本日晚間十一時失火。至次晨八時始克撲滅。全城焚燬過半。當由川邊鎮守使電請中央撥款賑濟。

三月 一日

●吉林添設扶農鎮守使……吉林督軍孟恩遠。前准哲盟盟長咨稱。哲盟地方遼闊。迭遭匪患。請在農安長嶺與蒙旗接界之處。添設扶農鎮守使。即以吉林陸軍第四旅旅長任福元兼任。呈請陸軍部核辦。經陸軍部轉呈大總統照准。並任命任福元為扶農鎮守使。

●財政部召集財政會議……財政部為整頓財政起見。特召集各省財政長官。在京會議。於本日開會。旋於十七日閉會。

●美國實業團來華……美國實業團來華考察商務。本日由美到滬。旋即赴漢口北京天津奉天各商埠考察。

同 二日

●廢止文官任職令

●皖省土匪猖獗……皖南無為繁昌南陵等縣。近有土匪數千人竄越騷擾。沿途劫奪水陸警署槍械。搶掠商店居民。勢頗猖獗。已由省派兵勦捕。

同 三日

●山西大同兵變……晉北第一混成旅混成團第十一連連長荆天榮。因受匪煽惑。率屬譁變。向察哈爾逃竄。經被駐察軍隊擊散。又駐得勝口警備步隊第八營。亦於同時譁變。

同 四日

●國務總理段祺瑞赴津……段總理於本日進謁總統。請電令駐協商國公使。向駐在國政府磋商與德絕交後條件。總統以此事須得國會同意。未允照發。段總理遂即日提出辭職書。並前往天津。當經總統派員挽留。並由副總統馮國璋親赴天津往邀。始於六日回京供職。致駐外各公使電。旋即照發。

●國務院電禁廣東有獎義會……廣東有獎義會。前奉明令禁止。嗣該省陳請展期。經國務院允許暫緩三個月。以本年二月十九日為滿。前月該省仍電請展期未允。近日國會又向政府提出質問。本日。國務院復電令該省長官查禁。

同 五日

●四川土匪肆擾……川西土匪鄒天平等。率眾數千人。自稱定

國軍。向崇寧溫江灌縣郫縣各處。肆行搶掠。又川東忠縣一帶。有遣散之護國軍兵士。集合爲亂。自稱靖鄂軍。均經省派軍隊分別鎮壓。

同 九日

●日人在魯販買制錢傷警交涉……日人在山東販買制錢。爲時已久。本日省垣商埠警察。因向日人運錢車輛查驗車捐。日人認爲有意攔阻。即開放手槍。擊傷警察。巡長馳往查察。並被日人捕去。當由交涉員向日本領事署交涉。

同 十日

●國會投票表決外交方針……參衆兩院於本日開秘密會。由國務員出席國會。報告對德外交方針。擬與德國斷絕國交。經討論後。衆院先於本日投票表決。以三百三十一對八十七之多數同意。參院亦於翌日投票。同意者一百五十七票。不同意者三十七票。

●上海總商會電請保守中立……上海總商會。本日邀集各團體代表。討論國際問題。公決電請中央保守中立。又湖北安徽等省督軍及康有爲孫文唐紹儀等亦均有請政府仍守中立之電。

33429 ●駐京德使送遞我國對德抗議覆文……我國前向德國政府抗議德國新近之封鎖政策。本日。駐京德使辛慈以德政府覆文送交我國外交部。略謂本公使於本日(三月十日)午後七時。接奉帝國政府訓令。著以下列之覆文。傳達中華民國政府。文曰。中

華民國政府抗議德國新近宣告之封鎖政策。而附以威嚇。帝國政府。曷勝駭異。蓋其他各國。僅僅提出抗議。中德邦交。素號親睦。且中國於封鎖區域以內。並無航業利益。則德之政策。於中國毫無影響。乃今於抗議之外。獨附威嚇之辭。以增抗議之力量。是尤不能不令人驚詫也。民國政府之抗議書中。謂華人因戰事而喪失生命者。已屬不少云云。然須知民國政府絕未嘗以關於此種損失之事實及申訴。通知帝國政府。而就帝國政府所得報告。則知華人之喪失生命者。僅受人雇用。於前敵開掘戰壕。及充當其他軍役之輩。蓋若輩已不啻爲戰鬪員。因以冒此危險也。帝國政府嘗一再抗議運送華工赴歐。充當軍役。是德國即在此次戰事中。亦未嘗不示中國以友誼。而帝國政府。即因顧全此友誼故。以此種威嚇爲非出自正軌。因望民國政府。改正其見解。帝國政府願於中國之航業利益。力加注意。以此之故。德國今雖不能於敵人宣告封鎖之後。取消其政策。而禁制實行無限制之潛艇戰爭。然已準備磋商民國政府關於保護華人的生命財產之特別願望。帝國政府以如此對待友邦者。蓋謹依其平日見解。以如中國若與德斷絕友誼。則將失却一眞摯之友。而陷於糾結不解之局也。本公使既以帝國政府之通牒。傳達貴國政府。謹敢宣言本公使實賦有磋商民國政府關於保護中國航業利益之願望之全權。合并附聞。

同

十二日

33430

●江寧機器局炸發……江寧機器局所貯無烟火藥。因天氣亢燥炸發。傷工人六名。

●浙江裁撤各縣審檢所……浙江自上年獨立後。各縣知事署內。一律組設審檢所。以爲籌備司法獨立之基礎。現省長齊耀珊接任後。因有窒礙情形。呈請中央量予變通。尙未復准。本日由省電令各縣將審檢所即日裁撤。

●粵省訂借日款……廣東省前向荷商借款。訂定合同。未經履行付款。茲復由省長向日本臺灣銀行訂借日金三百萬圓。以該省士敏土廠作抵。業已商定條件。俟得中央核准。即行付款。

同 十三日

●政府組織臨時國際政務評議會……國務院因研究此次外交關係事項。特組織臨時國際政務評議會。其章程如下。第一條 本會以研究此次外交關係事項爲目的。第二條 應研究之事項列舉如左。(一)處置國內德僑。(二)對於協商國應提條件。(三)華工招募。(四)物料供給。(五)關稅改正。(六)巴黎經濟同盟條文。(七)議和大會中各問題。第三條 本會設評議員若干人。由國務總理函聘。第四條 本會以國務總理爲會長。外交總長爲副會長。第五條 本會設書記長一人。由評議員中推之。掌管會議記錄及其他文件。第六條 本會得經由總理請有關各部特派專員。隨時接洽。第七條 本會研究所得。經由總理採擇。交主管衙門施行。除會長副會長

外。其評議員有王士珍陸徵祥熊希齡孫寶琦汪兆銘汪大燮曹汝霖周善培魏宸組陸宗輿張嘉森夏貽霆劉崇傑丁士源伍朝樞張國淦諸人。

同 十四日

●布告與德國絕交……本日大總統布告。此次歐戰發生。我國嚴守中立。不意接本年二月二日德國政府照會。德國新定之封鎖計畫。使中立國商船。從是日起。在限定禁綫內行駛。諸多危險等語。當以德國前此所行攻擊商船之方法。損害我國人民生命財產。已屬不少。今茲潛艇作戰之計畫。危害必更劇烈。我國因尊崇公法。保護人民生命財產起見。遂向德國提出嚴重抗議。並聲明如德國不撤銷其政策。我國迫不得已。將與德國斷絕現有之外交關係。在我國深望德國或不至堅持其政策。仍保持向來之睦誼。不幸抗議已逾一月。德國之潛艇攻擊政策。並未撤銷。各國商船。多被擊沉。我國人民因此致死者。已有數起。昨十一日據德國正式答復。礙難取銷其封鎖戰略。實出我願望之外。茲爲尊崇公法保護人民生命財產計。自今日始。與德國斷絕現有之外交關係。特此布告。又令。現在我國已與德國斷絕現有之外交關係。所有保護德國僑民及其他應辦事宜。着各該管官署查照現行國際公法慣例。迅籌辦法。頒布施行。此令。同日。外交部照會駐京德國公使辛慈。略謂關於德國施行潛水艇新計畫一事。本國政府。本注重世界和平。及尊重國際公法

之宗旨。會於二月九日。照達貴公使提出抗議。並經聲明萬一出於中國願望之外。抗議無效。迫於必不得已。將與貴國斷絕現有之外交關係等語在案。乃自一月以來。貴國潛艇行動。置中國政府之抗議於不顧。且因而致多傷中國人民之生命。至三月十日。始准貴公使照覆。雖據稱貴政府仍願議商保護中國人民生命財產辦法。惟既聲明礙難取消封鎖戰略。即與本國政府抗議之宗旨不符。本國政府視爲抗議無效。深爲可惜。茲不得已。與貴國政府斷絕現有之外交關係。因此備具貴公使並貴館館員暨各眷屬離去中國領土所需沿途保護之護照一件。照送貴公使。請煩查收爲荷。至貴國駐中國各領事。已由本部分知各交涉員一律發給出境護照矣。

同 十四日



●海軍部編制海軍艦隊……海軍部因海防重要。特將海軍編爲巡洋艦隊長江艦隊練習艦隊等三隊。每隊各設司令一員。巡洋艦隊。係海軍第一艦隊。委任林葆懌爲司令。駐於上海。其管轄之軍艦。爲海圻海容海籌海琛四巡洋艦。及南琛運船等。長江艦隊。係海軍第二艦隊。委任饒懷文爲司令。駐於江寧。分防長江上下游。其管轄之軍艦。爲江元江亨江利江貞及楚謙楚豫楚觀楚同楚有楚泰並江昆江犀永豐永翔等炮艦十四艘。暨辰宿列張四字並湖鵬湖鸚湖鷹湖隼及同安建康等魚雷艇十一艘。又聯鯨坐船一艘。練習艦隊。委任曾兆麟爲司令。駐於福建。所轄之艦。爲肇和應瑞飛鷹通濟等四練習艦。並福安利川二運船。